




海女後編



潛鋒栗山先生傳

先生諱愿字伯立一名成信山城淀人本姓長澤氏父

曰良節世事于石川氏有子四人先生其長子也先生

天資穎敏雖質弱而勤學不倦尤精國史年十四歲遊

于京師從桑名松雲學以奇才見稱既而改姓栗山氏

以鵜飼眞昌薦伴讀彈正尹八條親王諱尚仁西帝皇子後甚

見敬重待以師友先生時年十八爲著保建大記以上

其書擬體范氏之唐鑑取旨朱子之綱目保元至建久

凡三十餘年間君臣之賢否邪正政事之是非得失瞭

然于篇中。使後世知亂臣賊子之大閑矣。於是乎人多
傳播。其名聞于天下。明年親王薨。退隱於都下。家屢空
晏如也。乃號其廬曰潛鋒。每慨然言曰。大丈夫當爲虎
而死。勿爲鼠而生矣。西山源義公有修史之志。召先生
爲儒臣。賜祿三百石。以其明典故也。時年二十三。尋爲
彰考館總裁。與安積覺三宅緝明諸人同在史局。常史
之成。蓋先生之功居多焉。義公告老。先生屢侍西山。恩
眷有加焉。及公薨。肅公命先生及中村顧言掌喪紀。悉
從禮。又命先生及中村顧言安積覺酒泉弘撰義公行

實。書成。先生之筆也。覺嘆曰。潛鋒之文。不能贊一辭也。
先生於詩文。尤忌雕巧。所作多不合時好。人或以爲拙。
先生笑曰。吾與其小巧也。寧大拙矣。因又號拙齋主人。
初先生有所抄錄書凡六十卷。欲效津逮祕書成一書。
未果。又平生劄記十六卷。名曰敝帚集。後皆罹災矣。時
與同僚書曰。家資蕩盡。太極本無極也。其曠達如是。實
永三年丙戌四月七日。以病歿于江都。年三十六。無子。
命叔弟敦恒襲祿。今存于世。敝帚集者。蓋敦恒得之。燼
餘云。

論曰。予嘗讀保建大記。知先生有良史之才。及見敝帚集。倭史後編。益服其博洽。宜乎。遭遇義公。而厚被寵待也。嗚呼。雖不幸早世。其功豈可沒乎哉。

安中城主板倉勝明子赫撰

倭史後編卷之一

山城 栗山愿伯立撰

三
悉
玉
下
同

後小松天皇諱幹仁。後伏見天皇之玄孫。而後圓融院之長子也。明德三年壬申冬閏十月壬午。天皇受三壘於土御門殿。自後醍醐帝南狩。至是五十餘年矣。初細川賴之之輔足利氏。外事攻戰。內勉籌略。勇如細川清氏。忠如楠正儀。皆已陪斃降附。南山益孤立。至是窘甚。會源義滿使大內義弘主講和。南帝遂從之。入于京師。退居嵯峨。自是義滿僭倨益甚。黜陟廢置。莫不由出。而

至怒罵縉紳曰我欲為帝。細川畠山不能為攝家清華乎云。參據已上據花營三代記。皇年代畧記。應永記。豫章記。太平記。但義滿欲為帝。見于足利治亂記。而不他見。林氏將軍譜亦收之。注文。然世傳久矣。不必誣也。支注。考長曆以閏置十一月。然長曆後人所推步。今從當時書。後多倣于此。

古之治一而已。自源賴朝開府。平泰時移帝。官爵徒出于西。而生殺常出于東。天下豈得一哉。後嵯峨帝之遺詔。欲使龜山帝之孫子承統。其意蓋知龜山之豪傑。必不為疆臣所制。而欲濟後鳥羽帝之志者。亦未嘗不隱然在其中也。北條氏不奉遺詔。使後深草龜山二帝之

孫子更在位。易置天子。如奕棋然。此後醍醐帝所赫怒以討北條氏。而其志專在廢後深草之後。然後深草龜山之兄。而未嘗聞有失德。若伏見。若花園。溫順恭默。固皆守文之良主。而將以永廢其子孫。於人心有所夫也。此足利氏所擁立以成霸也。嗚乎南朝之。雖曰由逆賊。而天命之所歸。亦未必不有因也。

十二月壬寅。左大臣藤原實時罷。以源義滿復為左大臣。征夷大將軍如故。參據出公卿補任支注。是歲閏月壬午五日也。

十二月壬寅廿六日也。

四年癸酉春二月五日山名滿幸鹽治遠江入道率兵攻三刀屋城諫方部扶久等擊却之文書三月十二日南

朝內大臣藤原信賢薨于嵯峨常樂記年四十五夏四月

辛丑新院崩于小河宮是為後圓融院諱緒仁後光嚴

院長子也及天皇受禪尊曰太上天皇稱新院以別崇

光院乙巳葬于泉涌寺源義滿已下諸臣扈從焉參據

葉記常樂記皇紀皇年代畧記按皇年代畧記以葬為二十七日今從東寺長者補任秋八月雨

水九月己未源義滿奏請罷左大臣聽之參據兩水出

左大臣應永元年甲戌春二月癸巳尊南帝曰太上天

皇參據皇年代畧記帝諱熙成後村上帝之第二子也母嘉喜

門院三月丁巳右大臣源具通罷以前內大臣藤原公

直為右大臣夏六月癸酉以前左大臣藤原實時為太

政大臣內大臣藤原經嗣為左大臣儀同三司源善成

為內大臣秋七月癸卯改元冬十一月壬寅關白師嗣

罷以左大臣經嗣為關白十二月壬午前左大臣源義

滿奏請罷征夷大將軍以子左近衛中將源義持任征

夷大將軍聽之庚寅以義滿請以己任太政大臣敕罷

太政大臣實時以義滿任之是日右大臣藤原公直內

大臣源善成並罷。以權大納言藤原實直為右大臣。權大納言藤原通成為內大臣。參據已上出補任。是歲山名滿幸

伏誅。參據出山名系圖。

二年乙亥春正月癸亥。右大臣藤原實直罷。左近衛大將內大臣藤原通定罷。右近衛大將權大納言藤原公定兼左近衛大將。藤原實冬兼右近衛大將。三月戊子。右大臣藤原實直罷。以內大臣藤原通定為右大臣。以權大納言藤原公定為內大臣。夏四月。左大臣藤原經嗣罷。七日庚午。以前右大臣藤原公直為左大臣。六月

乙丑。義滿奏請罷太政大臣。聽之。義滿遂剃髮號道義。而執政事一如前。以前右大臣源具通為太政大臣。戊辰。左大臣藤原公直罷。壬午。以前內大臣源善成為左大臣。癸未。右大臣藤原通定罷。秋七月甲午。內大臣藤原公定罷。左近衛大將。八月庚寅。左大臣源善成罷。九月癸酉。以內大臣藤原公定為右大臣。前權大納言藤原公豐為內大臣。冬十一月戊子。內大臣藤原公豐罷。十二月丁巳。權大納言藤原實冬轉左近衛大將。為內大臣。參據已上補任。按本書以通定為右大臣。為二十一日。蓋傳寫之誤。今書于實直罷之後。

上野縣志

後編

三年丙子春二月辛卯太政大臣具通罷夏四月丁未
權大納言藤原教嗣兼右近衛大將五月辛未前右大
臣藤原實直薨秋七月己卯上所生準三宮藤原氏號
曰通陽門院內大臣公忠之女也以右大臣藤原公定
爲左大臣內大臣藤原實冬爲右大臣前權大納言藤
原嗣房爲內大臣冬十月庚寅內大臣藤原嗣房罷丙
午以權大納言藤原教嗣爲內大臣十二月右大臣藤
原實冬罷左近衛大將參據補任皇紀
皇年代畧記
四年丁丑春三月辛巳內大臣藤原教嗣轉左近衛大

將權大納言藤原良嗣兼右近衛大將冬十二月甲申

客星見西方是歲少貳叛筑前義滿令大內義弘擊平

之參據任官據補任天變據東
寺長者補任用兵據應永記

五年戊寅春正月辛酉本院崩是爲崇光院諱興仁光

嚴院第一子也在位三年爲後村上帝所廢與光嚴院

光明院及直仁親王被幽賀名生源義詮立崇光院弟

彌仁卽位京師是爲後光嚴院後自賀名生還居伏見

離宮方後光嚴院去位已託細川賴之以立皇子緒仁

崇光院亦遣中納言藤原教光以子榮仁託賴之曰承

中納言

倭史後編

久以來皇嗣每出武家之意爾其斷之賴之難答之第
 曰非臣所知也既而緒仁即位由是崇光院怨後光嚴
 院遂大生猜隙明德三年薙髮受戒于鹿苑院僧及崩
 領邑皆歸禁中榮仁在故宮居常無慘亦遂削髮三月
 丙辰關白經嗣罷以前關白師嗣為關白夏五月直仁
 親王薨義滿以直仁所居萩原殿及播磨國衙等地與
 榮仁自奉冬十月朔日有食之康富十一月鎌倉管領
 源氏滿薨敘從三位為左兵衛督基氏之子也氏滿嗜
 酒每兩聚飲嘗曰天子人也將軍亦人也我亦人也事

下氏滿下
 恐有脫字

于我者亦人也而上人不如下人之知疾苦上下易位
 則治不難矣森元信光進曰公言不可鄙人豈耐為君
 勉為明察民不勝命氏滿納之氏滿十二月乙巳左大
 臣藤原公定罷參據正月五月據椿葉記三月十二月
 據補任十一月據喜連川判鑑文祿清

六年己卯春正月內大臣藤原教嗣罷左近衛大將二
 月癸亥以右大臣藤原實冬為左大臣內大臣藤原教
 嗣為右大臣權大納言藤原良嗣為內大臣轉左近衛
 大將權大納言藤原滿基兼右近衛大將夏四月丁巳

關白師嗣罷。己未以前關白經嗣為關白。壬戌內大臣藤原良嗣罷左近衛大將。權大納言藤原滿基轉左近衛大將。權大納言藤原公行兼右近衛大將。參據出九補任。月太白與葵惑合。十月大內義弘反。初義滿改執事為管領。斯波細川畠山三氏以同族更居其職。頗張威福。天下號為三管領。又為三職。三職忌義弘功高。義弘亦不為之下。由是交惡。義弘所為三職每沮激之。及義滿營居于北山。使諸將助作。且令曰。使士卒充役。義弘曰。我卒可役于弓矢。不可役于土木。義滿雖不之罪。而大

患之。義弘亦不自安。潛與鎌倉通謀。欲東西稱兵。刻期入京。其意蓋在劫義滿除三職也。至是至界浦。遣使報義滿。京師方傳。筑紫中國兵。充斥紀伊。義滿輒以為義弘反。尊道法親王以義滿意。私遣使召之。不至。義滿又遣僧中津諭之。義弘聞絕海至。與眾擬所以答之。子持弘及平井備前勸入京。義弘不悅。杉豐後進曰。事至此矣。可中止乎。義弘善之。出見中津曰。今召臣京師。此欲誅臣也。臣助今川豫州大戰二十八。九州致平。臣之力也。明德之亂。手劒十餘人。山名伏誅。亦臣之力也。我邦

之神璽。百王所相承。非但秦之印璽也。講和南北。還璽京師。亦臣之力也。然而往將軍令臣討少貳也。陰令少貳菊池謀臣。臣未知此何罪也。今聞將軍將奪臣封國。和泉紀伊。臣又未知罪所由也。中津曰。往將軍以少貳叛。今公討之也。豈又令少貳謀公乎。今將奪兩國。特巷議耳。果何所徵。公之功固高矣。宜以遜退而保之也。義弘遽曰。師莫言。已與鎌倉殿約。將問罪於管中。待來月二日。入見將軍。乃振衣而起。中津還報狀。十一月甲戌。義滿遣細川賴元六角滿高京極高詮赤松義則等。以

六千兵。發京師討義弘。義滿亦將三萬餘兵。出于東寺。庚辰。進陣男山。又遣管領畠山基國及子滿家斯波義將等赴界浦。義弘聞義滿出陣。乃出石津。北向一拜。乃還界浦。大築城。乙未。諸軍傳城攻之。城兵出戰。我兵死傷不可計。夜半引退。土岐詮直素與義弘通謀。至是出尾張。得兵七百人。池田周防亦從詮直。時土岐賴益與諸軍在界浦。還擊之。戰于長森。斬二百餘人。山名氏清子時清亦應義弘。集兵丹波。將入焚京師。義滿遣兵却之。京極高重亦叛。撤勢多橋。據森山。高詮往擊之。高重

走于美濃。至垂井。為民兵所圍。從兵皆死。僅脫走。不知所之。前時義滿移榮仁親王於萩原殿。以奪伏見離宮。將管山莊。至是還之。十二月七日。遣兵丹波。擊時清死之。戊午。諸軍又圍界浦。製爆竹。仰燒城樓。發喊。雨射。城兵多死。富田尾張守以謂宜突圍西走。義弘不可。乃馳入基國陣。所向披靡。與甲斐藏人力鬪。薙刀中其口鼻。戰不已。欲遇滿家決。滿家兵殊死戰。義弘身被重創。從兵皆死。乃大呼曰。身是驍將。無雙大内義弘也。來獲首。滿家遂斬之。持弘將自刃。平井備前止之。使降。持弘乃

以三百兵出降。楠某菊池肥前皆在城。至是潰走。火延民屋。界浦萬家蕩盡。初義弘據城也。以為必死。令僧擬葬修佛事。送書周防。訣母及弟。作百首和歌。千句連歌。以攄志。謂諸卒曰。爾輩第食肉而飲酒。無為後日計也。諸卒亦抱必死。莫敢叛者。左兵衛佐源滿兼與義弘詮直通謀。託救義滿。出武藏集兵。先鋒已至美濃。為土岐賴益所敗。既而聞界浦敗。留武藏。滿家據應承記。界記。椿葉記。喜連川判鑑。永祿年代記。東寺鬼簿。支祿清談。日件錄。支注。僧中津乃絕海也。土岐詮直為官内少輔。山名氏清子時清。號官田。京極高重稱五郎左衛門。高重或作滿秀。未知孰是。

前悉有

自古皆然。可不戒哉。天下方苦土木。而土木遂亂天下。應永之亂是已。自人主視之。將謂以天下奉己。一官之微。安在勞民。是以雖英偉聰明。有仁慈之君。往往靡不起官城造園囿。而義作助造之侯國。勞眾泣民。甚於兵禍。窮怨之極。亂所由作也。獨古之人。深監于此。斷斷乎曰。崇官靡不凶。義滿起第室町。多致花木。命曰花管。固非所以示天下。而至管北山第。宏敞麗華。光彩可鑑。時人呼曰金閣。第宅之壯。自古無有也。僧雪溪對義滿戲曰。乃西方極樂界矣。嗚乎。為義滿者。忍以一第之故。鑿

大内之萬兵。火界浦之萬屋。而身卧金閣。以謂之極樂邪。

七年庚申春二月。義滿與足利莊於源滿兼。蓋滿兼叛

迹雖未形。而猶留武藏。心未安。至是悅還鎌倉。九月。斯

波持詮擊宇津官氏廣斬之。送首鎌倉。參據喜連是歲

足利直冬卒。于冬氏稱中國武衛。參據足利系圖。和漢

譜末曰。直冬有五子。曰等瑚等章。乾桃乾珍。並為僧。足利系圖。以乾珍為多氏之子。乾珍即相國寺寶山和尚也。

八年辛巳春二月戊子。禁中火。天皇避之源義持室町

神皇正統記

十一

第。三月二十九日。皇子躬仁生。秋七月辛卯。伏見離宮
火。焚累代御記。文書樂器。八月己未。造官。參據皇年代
畧記。椿葉記。

九年壬午春正月。彗星見西方。秋八月癸酉。以左大臣

藤原實冬為太政大臣。內大臣藤原良嗣為左大臣。權

大納言藤原公行為內大臣。九月丁酉。內大臣藤原公

行罷。右近衛大將。權大納言藤原公俊兼右近衛大將。

冬十一月戊戌。宮成。徙御焉。參據彗星官成。出
皇紀。任官出補任。是歲。伊

達大膳大夫。叛于篠川。滿貞滿兼遣上杉氏憲擊之。戰

于赤館。敗。滿兼傳
走之。參據
出喜連川判鑑。
支注。滿貞滿兼之弟。

十年己未。秋八月甲子。右大臣藤原教嗣罷。以內大臣

藤原公行為右大臣。權大納言藤原滿基為內大臣。參
據

出補任。而教嗣罷
不月且。今附于此。

十二年乙酉。春二月己卯。若狹大風。遠數二宮樓門。八

幡宮鳥居倒。夏五月。春日山木枯六千餘株。六月癸酉。

洪水。祇園祠鳥居倒。壓殺二十餘人。參據大風據若狹
守護次第。五月六

月。出和漢合
符及合運。

十三年丙戌。春正月癸卯。太白犯歲星。是春飢。秋八月

甲辰内大臣藤原滿基罷左近衛大將。權大納言藤原

公俊轉左近衛大將。權大納言源義持兼右近衛大將。

辛亥大風拱北樓倒。是秋風水。十二月壬子通陽門院

崩。參據星變出醍醐寺本年曆背書。飢水出文正年
代記和漢合運任官出補任。風出合符崩出皇紀。

十四年丁亥春二月辛卯太政大臣實冬罷。三月己未

上準母準三宮藤原氏號。曰北山院。資康女也。冬十月

朔日有食之。參據二月據補任。三月據貴女
鈔藤原系圖。十月據康富記。

十五年戊子春三月丁巳行幸前太政大臣義滿北山

第觀花。關白經嗣以下扈從。義滿披僧衣持念珠。與子

義嗣出迎。四足門。帝留旬日。歌舞宴樂。極歡而還。參據北山

行幸記。夏四月戊戌關白經嗣罷。以左大臣藤原忠嗣

椿葉記。五月甲寅義滿薨。年五十一。帝不見朝數

為關白。補任。日。贈太上天皇。義持不敢受。義滿尊氏之孫也。父義詮

將死。指義滿謂細川賴之曰。遺卿於一子善保之。又謂

義滿曰。與汝於一父勿違之。賴之自受託。輔導匡拂。靡

弗悉心。而時承衰亂。諂媚為風。恐義滿慣視成性。特引

篤謹而有學者。日居左右。又選輕行有機辨者六人。髡

首士服。名曰佞坊。出入諸將之坐。戲謔百狀。凡資笑取

悅無廉恥之事。莫所不為。而有將士巧佞者。乃指曰。此亦士佞坊。皆所以警誨義滿也。後賴之雖屢被讒黜。而義滿亦未嘗不悔悟諭安。遂倚任之。而及其卒。哀甚。為出送葬。天下固賢賴之。而又稱義滿之善納。義滿有九子。長乃義持。次曰義嗣。義教。周喜。義承。義昭。法尊。持圓。尊滿。義滿最愛義嗣。漸有廢嫡意。遂加首服於省中。儀擬親王。及義滿薨。眾疑所立。管領斯波義重。遂立義持。義持傳。參據椿葉記。足利系圖。足利傳。賴之物語。花管記。為嗣。藤原雅緣。悼義滿詞。支注。義滿稱鹿苑院。建相國寺。

自古衰亂之世。兵馬重則名位輕。蓋必然之勢也。我觀當時名籍。義滿子弟常列三公上。而三公之家。或受名義滿以為榮。甚矣。名位之輕。而兵馬之重也。當是之時。公方樣重於尚方。而府僚亦盛於朝官。僭亦甚哉。及納商估之言也。稱臣外國。奉朔替額。甘心比東藩。至於以夢寐之所髣髴。附之來使。何其卑遜且親昵也。豈其自於求利之不已歟。抑徒視名之可銜。而不知辱國之不可復雪歟。蓋武君之下乖禮苟且。不啻是也。而不學之過。遂至如此之甚歟。將其又藉重於外。欲以有濟。有甚

於是者歟。嗚乎！此又可忍言乎？應永初，筑紫商肥富者自明還，方陳通信之利。義滿信之。八年，遣肥富獻寶刀、細馬甲冑、紙硯，副以金千兩。明主朱允炆詔曰：「朕自嗣大位，四夷君長朝獻者以十百計，苟非戾於大義，皆思以禮撫柔之。爾日本國王源道義心存王室，懷愛君之誠，踰越波濤，遣使來朝。今遣使者班示大統曆，俾奉正朔，賜錦綺二十四，至可領也。」九年，義滿遣使修貢。表曰：「日本國王臣源某表大明皇帝。十年，明主朱棣告即位。十三年，勅曰：「近者使臣由王國回，言王夢朕皇考，蓋以

皇考神靈在天，鑑觀四方，無遠弗屆。王心寢寐，不忘恭敬，精神感格，故形爲禎夢。朕皇考示夢於王，卽所以監撫於王也。皇考監臨，卽天之監臨也。若對馬壹岐海寇出沒，劫掠海濱，朕命王除之。王卽出師，殲其黨類，破其舟楫，擒其渠魁，悉送京師。王之尊敬朕命，雖身在海外，而心實在朝廷。十五年，聞義滿死，謚曰恭獻。遣內官周全渝祭之。蓋義滿之事，明終始如此。其後義教、義政、復修貢職，受封爵，而信使來往，殆無虛歲。其意蓋在獲錦綾書畫而已。表辭多出時僧之手，而言甚淺陋。時以其

易曉為妙。輒傳外邦。不之恥也。其亦足以益辱國也。

六月己亥。南蠻貢黑象山馬孔雀鸚鵡。使人曰。國王名

亞烈進卿。參據若狹守護次第。倭漢合運。秋七月戊申。熊野本官火。參據

倭漢合符。

十六年己丑春正月癸亥。關白忠嗣罷左大臣。二月甲

午。關白忠嗣罷。三月丁未。以內大臣藤原滿基為關白。

甲子。以關白滿基為左大臣。職仍舊。秋七月癸巳。以權

大納言源義持為內大臣。參據出補任。是月鎌倉管領源滿兼卒。任左馬頭兼左兵

衛佐。氏滿之子也。子持氏嗣。殺相摸守新田義則于七里濱。義則益源義貞之後也。先是匿居底倉。木賀彥六

注參據受

欲擊殺之。義則逃亡。至是遂見殺。參據喜連川判鑑。按諸書或以滿兼卒為十七年。未知孰是。

十七年庚寅冬十二月己未。關白左大臣滿基薨。壬戌。以前關白經嗣為關白。參據出是歲疫。參據文正

十八年辛卯夏四月辛丑。以右大臣藤原公行為左大

臣。前權大納言藤原冬家為右大臣。秋七月。源義持遣

兵擊飛驒國司藤原尹纘敗之。冬十一月戊午朔。日南

至。壬午。以皇子躬仁為親王。參據四月出補任。七月出合運。十一月出皇紀。己酉

冠于清涼殿。今內大臣源義持加之。

十九年壬辰夏五月癸丑。內大臣源義持罷右近衛大

甘雨世書

倭史後編

十五

將。秋七月壬子。權大納言藤原滿教兼古近衛大將。據
補八月壬午。帝讓位于躬仁親王。時年十二。帝之第一
 子也。然未行立太子禮。以親王居。大納言藤原重光家。
 至是初遷禁中。九月。上先帝曰。太上天皇。帝尚幼。政事
 皆決上皇。參據椿葉記。皇代畧記。升遐記。

倭史後編卷之一

倭史後編卷之二

山城 栗山愿伯立撰

稱光天皇諱躬仁。後改實仁。後小松帝第一子也。已登
 祚。仍用應永號。二十年癸巳春正月朔。日有食之。既夏
 四月。伊達大膳子松犬丸。與懸田定勝據大佛城。鎌倉
 遣畠山修理大夫擊之。十二月。大佛城糧盡。松犬丸定
 勝潛出城而逃。參據日食薩戒記。文正年
 代記。松犬叛。喜連川判鑑。
 二十一年甲午春正月朔。日有食之。三月八日。熱田祠
 火。冬十二月五日。帝觀上皇。留三日。右大臣藤原冬家

七
甲
子
三

罷十五日。以權大納言藤原滿教為右大臣兼右近衛

大將如故。十九日。行即位禮於太政官廳。參據日食據

朝覲據皇代畧記。即位據皇紀。皇年代畧記。凡

書拜罷用補任。後不復曰據之。讀者宜類推焉。

二十二年乙未春正月六日。以權大納言源通宣兼右

近衛大將。按藤原滿教罷右近衛大將。不知在何月。夏六月十三日。京師兩

雹。大風寒如冬。冬十月癸未朔。日有食之。十一月乙卯

大嘗。兩雹大風據文正年代記。皇代畧記。是月。權大

食據康富記。大嘗據皇紀。皇年代畧記。納言兼右近衛大將源通宣罷。以權大納言藤原實永

兼右近衛大將。

二十三年丙申秋七月。土御門烏丸火。延燒上皇宮。參

皇紀。皇代畧記。八月十一日。權大納言藤原實永罷兼右近衛

大將。以權大納言藤原忠定兼右近衛大將。十五日。忠

定薨。二十一日。復以實永兼之。先是。鎌倉源持氏以讒

奪越幡六郎食邑。執事上杉禪秀諫爭。不聽。禪秀請罷

職。持氏乃以上杉大全子憲基代之。禪秀密與持氏叔

父滿隆。謀廢持氏立持仲。乃持氏之弟。而滿隆之所子

養也。於是禪秀稱疾劇不出。專聚兵士。兵士皆苞甲仗。

馱運以至。滿隆亦牒召關東諸將。以京師下令討持氏。

持仲下。孫
既持仲三
字。

後史後編
二

爲言。冬十月二日。滿隆持仲據寶壽院。禪秀以兵入執持氏。持氏方醉卧。木戸氏則聞亂。遽入醒之曰。事急矣。持氏驚起。倉皇乘馬而出。遂以見兵五百。間道走佐介。與憲基合兵自守。四日。禪秀等縱火攻佐介。持氏憲基敗走于小田原。禪秀黨土肥土屋來攻急。上杉憲元勸持氏憲基脫走。留戰死。持氏與憲基又走駿河。依大森憲賴家。往瀨名。託今川範政。以復鎌倉。憲基亦往越後。集兵。氏則等不知持氏所走。以謂在奈古屋。散卒皆集國清寺。國人狩野介亦應禪秀。以兵繞攻國清寺。氏則等自殺。十一月。禪秀子憲盛擁持仲。出略武藏。武藏人江戶豐島二階堂等不肯降。憲盛引還。二十日。榮仁親王薨。十二月。持氏憲基乞兵京師。源義持遣山名時熙救之。

二十四年丁酉春正月朔。滿隆持仲禪秀出武藏。擊江戶豐島。敗之。五日。初佐竹義憲與憲基走越後。至是起兵與禪秀戰。飯田原敗之。九日。又戰施野原。禪秀等還鎌倉。範政江戶豐島諸兵方壓鎌倉。而鎌倉兵多逃亡。禪秀窘甚。十日。與四子憲盛憲春快尊禪瑾自死于雪。

三

下滿隆持仲亦自盡。十七日持氏還鎌倉。論功賜土肥

土屋所領于大森憲賴。居小田原。參據榮仁薨見椿葉記。餘皆見湘山星移。

喜連川判鑑。禪秀記。本土寺鬼簿。鶴岡記。按禪秀記。憲

盛作憲力。今從判鑑。支注。禪秀名氏。憲。剃髮曰禪秀。為

右衛門佐。朝宗之子也。憲基亦同族也。任安房守。後剃

髮曰海印。木戶氏則稱將監。滿隆稱新御堂。氏滿第三

子也。快尊鶴岡別當。禪瑾

極樂寺僧。皆禪秀子也。岩松新田族也。時有岩松治

部大輔者。不知其父為誰也。夏五月二十九日。率禪秀

餘黨。出入間川。伺鎌倉。舞木宮內丞悔從禪秀。欲自效

贖罪。聞之。發兵出戰。治部大輔敗就擒。閏月十三日。斬

之瀧口。六月十九日。上皇宮成。移御焉。秋七月二十三

日。親上皇留七日。參據岩公事出喜連川判鑑。官成

出皇紀。觀上皇出德大寺相國記。

二十五年戊戌春正月二十四日。源義持殺弟義嗣。義

嗣官至權大納言。稱曰新御所。義嗣將舉兵叛。義持事

洩亡命。削髮為僧。曰道繩。搜捕幽之林光院。夜使人殺

之。初源直義之遭鴆殺。死後頗為靈。祭曰大藏大明神。

至是祭義嗣。曰新大藏大明神。蓋配直義也。參據椿葉

寺鬼簿。日件錄。上總本一揆。悔援禪秀。屢請赦罪。持氏不聽。因

聚兵而叛。夏五月。持氏遣一色左近將監擊之。叛徒未

戰而潰去。參據喜連川判鑑。冬十一月十七日。關白經嗣薨。十

日。

倭史後編

二月二日。左大臣藤原公行罷。以右大臣藤原滿教為關白。轉左大臣。以權大納言藤原公俊為右大臣。兼右近衛大將如故。支注經嗣號為成恩寺。

二十六年己亥春正月。伊勢月讀官火。二月。藤原公俊兼左近衛大將。壬午。以權大納言藤原持基兼左近衛大將。參據康富記按補任以公俊罷為二月二十日。以持基拜為九日。今從康富記。本一

揆又起。持氏遣木戸内匠助擊之。三月三日。戰于上總。夏五月六日。本一揆之將榛谷重氏降。斬之由比濱。參據喜連川判鑑。六月二十日。高麗戰艦千三百餘艘攻對馬。二

十六日。九國兵與之戰敗。七月又戰却之。敵艦沒海。死者不可計。參據皇代畧記。天地根元圖。文正年代記。按諸書皆作蒙古。而僧裔英大日本傳作高麗。

未知孰是。文正年代記係之二十五年誤。秋九月。義持請罷内大臣。聽之。關白滿教罷左大臣。冬十一月十一日。北山院崩。參據皇紀。十

二月五日。以右大臣藤原公俊轉左大臣。以權大納言藤原持基為右大臣。兼左近衛大將如故。以權大納言藤原實永為内大臣。是歲。關東風水飢饉。參據喜連川判鑑。

二十七年庚子春正月。持基實永罷兼左右近衛大將。閏月十日己卯。以權大納言藤原公光藤原兼良兼左

右近衛大將。十三日壬午。以公俊爲大政大臣。持基實
承轉左右大臣。以公光爲內大臣。兼左近衛大將。仍舊。
二月。公光罷左近衛大將。三月十六日。太政大臣公俊
罷。二十六日。兼良轉左近衛大將。以權大納言藤原公
胤兼右近衛大將。秋九月。義持病。或謂醫高天爲呪詛。
義持遣人捕繫獄。陰陽助定棟亦見幽。冬十月癸卯。義
持流俊經及高天於讚岐。十二月。右大臣藤原實承罷。
庚子。以公光轉右大臣。以權大納言藤原宗氏爲內大
臣。是歲旱。琵琶湖涸三町。淀川可徒涉。大飢。米斗直千

錢。

參據義持捕流高天。據康富記。旱飢。據文正
年代記。長祿年代記。天地根元圖。大日本傳。

二十八年辛丑。夏四月六日。內大臣藤原宗氏薨。秋七
月五日。以藤原兼良爲內大臣。兼左近衛大將。如故。是
歲旱。飢疫。道殣相枕。日車載死屍棄之。棄處又積成山。

參據皇代畧記。文正
年代記。大日本傳。

二十九年壬寅。夏四月。帝遶豫。秋八月。小粟滿重有怨
于持氏。與宇都官持綱。桃井下野守佐佐木隱岐入道。
謀叛。據結城。岩松治部大輔餘黨亦應之。持氏遣上杉
重方往擊之。重方對壘數月。閏十月。佐竹常元爲持氏

所疑遂叛持氏遣上杉房實擊之常元父子走于比企谷自殺初禪秀之被誅子憲秋教朝逃往京師事義持是歲以兵來關東掠焚沼津三島多殺持氏部下而去

參據遠豫康富記餘皆喜連川判鑑吏注里方憲實之弟房實憲實之甥也

三十年癸卯春二月義持奏請罷征夷大將軍以子右近衛中將源義量任征夷大將軍聽之義持尋剃髮曰道詮三月地屢震夏五月二十八日持氏自將兵擊小栗滿重滿重敗自死持氏轉向宇都宮持綱逃亡鹽谷駿河守斬之甲斐齋首而至佐佐木隱岐入道桃井下

野守亦被虜斬亂平至秋持氏還鎌倉六月內大臣藤原兼良罷兼左近衛大將秋八月二十七日藤原房嗣轉左近衛大將以權大納言藤原滿季兼右近衛大將冬十月十四日右大臣藤原公光罷十二月地又屢震

參據春冬地震據文正年代記持氏出兵據喜連川判鑑按公光罷或作八月皇紀亦從之

三十一年甲辰夏四月十二日嵯峨太上皇崩是日後龜山天皇有子時稱曰小倉宮二十日關白滿教罷以左大臣藤原持基為關白內大臣藤原兼良為右大臣權大納言藤原滿季為內大臣兼右近衛大將仍前持

氏憾義持留憲秋教朝居府。寢成隙。義持遣僧昭西堂
於鎌倉。通和持氏不荅。秋九月。又遣昭西堂曰。憲秋教
朝已奪祿矣。持氏意解。遣使京師謝之。冬十一月。內大
臣藤原滿季罷右近衛大將。是歲。飢疫人多死。往往至
舉村無人。參據後龜山崩。據和漢合運。僧主講和。據喜
連川判鑑。飢疫據文正年代記。滿季罷大將。
不見于補任。
今據皇紀。
三十二年乙巳春正月晦日。權大納言源清通兼右近
衛大將。二月丁巳。上皇第二子薨。帝之同母弟也。以帝
無子。將立爲儲嗣。至是暴薨。衆惜之。未名。追稱龍樹寺

官。戊辰。征夷大將軍源義量卒。夏四月辛丑朔。右近衛
權中將藤原實雅坐與官人藤原氏通奪官。官人藤原
氏日野有光之女也。入官稱大納言典侍。爲帝所寵。至
是得罪。無有驗證。人以爲冤。十六日。以榮仁親王子貞
仁爲親王。初榮仁薨。長子治仁居伏見殿。亡何震死。無
嗣。弟貞成入紹之。至是。上皇欲薦後圓融院之佛事。親
金書佛經於紺紙。使諸親王助書之。貞成亦與焉。及記
名。請上皇曰。臣無官不足傳也。上皇乃錄爲義兒。宜宜
爲親王。旣而帝不悅之。遂憾上皇而未發。因上皇諫止

帝之召琵琶法師以聽平家。大發怒。奉書上皇。以謂上皇自爲。我當遜也。將密出官。義持俄入諫之。帝意未解。上皇密諭貞成親王薙髮。秋七月丙寅。帝不豫。卽夜上所生從二位藤原氏號。曰光範門院。權大納言資國之女也。八月丁卯朔。帝疾劇。上皇及公卿以爲不復起矣。議喪事及嗣天子。既而壬申疾愈。丙戌。右近衛中將有定家。士金河式部至闕。告內侍所媼名三條。承小倉宮旨。有所呪詛。帝駭怒。令武臣捕三條鞠問。得小倉宮之禱書而已。非呪帝也。廷議尚以爲宜。賞式部。帝亦曰善。

南朝徒動懷禍心。其正三條之罪。以杜覬覦。參據陸戒

但以治仁爲震死。據東寺過去帳。支注義量任參議。兼

右近衛權中將。美作權守。叙正四位下。卒年十九。法名

道基。號長得院。贈左大臣。從一位。是月。以武田信長叛于甲斐。持氏遣

上杉房實擊之。信長委國而逃。房實引還。是歲水關白

持基罷左大臣。參據武田叛據喜連川判鑑。水據

文正年代記。關白罷。本書不月日。

三十三年丙午夏六月。武田信長出甲府。持氏又遣一

色刑部少輔擊之。秋八月二十四日。內大臣藤原滿季

罷。以藤原房嗣代之。武藏白旗一揆來屬刑部少輔。二

十五日。信長降。持氏赦領邑仍前。參據喜連川判鑑。冬十月八

日。彈正尹滿仁親王薨。參據東寺尼簿稱常盤井殿龜山帝曾孫也。

三十四年丁未秋八月十四日。太政官聽火。是月。河內

上綠毛龜。參據火出皇代畧記。龜出文正年代記。初赤松圓心三子範資

貞範則祐皆有功尊氏與以攝津因幡備前播磨美作

五國。範資領攝津。貞範領播磨美作。而貞範孝友專使

則祐掌領邑。則祐功雅高。且居京師。而參府事。以故則

祐子孫。兵馬常強於宗氏。貞範之子曰詮則。詮則之第

七子持貞。為義持所寵。遂賜以播磨美作備前。滿祐自

祖則祐。世領播磨。至是被奪。以故怨訴不已。自焚宅還

播磨。義持將遣兵擊之。諸國兵皆集京師。既而諸將固

請赦滿祐。殺持貞。義持不獲已。十一月十三日。令持貞

自盡。赦滿祐至京師。參據赤松系圖。皇代畧記。應仁外記。文正年代記。是冬。帝

將謁石清水賀茂賽宿禰。以疾不果。是歲。以關白持基

復為左大臣。職仍前。關東風水。越前十世原僧徒。與山

伏鬪。悉殺之。參據帝疾據椿葉記。風水出喜連川判鑑。僧鬪出文正年代記。

正長元年戊申春正月十八日。源義持薨。年四十三。贈

太政大臣。初義持以無嗣而諸弟皆為僧。約以持氏為

子。至是。管領畠山滿家等。忌持氏難制。更選所立。而不

倭史後編

決至石清水探籌廟前。遂決意立僧義圓。乃禿僧衣。反本服。改名義宣。三月移居室町第。任左馬頭。參摭椿葉記喜連川

判鑑支注義持號定勝院義圓住青蓮院為天台座主

古書之亡也已舊矣。足利氏之盛。去今不遠。而當時之書。猶不可得而獲也。嗚乎。義持之為人。與其輔之者。我何以詳其為賢愚明暗也。然父死而辭贈位。終身官不過內府。其亦不足為賢乎。應永十八年。明使至兵庫。而義持却之。其後明又遣使來。責以不貢。義持使人謂之曰。先君惑肥富之言。輒通問外國。自後神人。不和。兩暘

愆序。先君亦薨。易箕之間。以冊誓神。永絕外國之通。我又不忍負之。使者又請見。義持辭曰。今聞以使者不通為辭。用兵來攻。此何謂也。夫鄰國通好。非不欲也。然余所以不接。其亦有說。先君得病卜之。兆曰。神降譴。神又憑人曰。我國自古未嘗稱臣外國。爾受封不却。所以致病也。爾外邦聞之。必以為怪誕。然爾不聞乎。冗兵百萬。再至無功。豈直人力哉。蓋亦神助矣。各保天疆。彼不來此不往。民至老死而不相知。不亦可乎。及見此書。益惜其為人及輔之者之無詳傳也。

夏四月二十七日改元。帝疾失心而無嗣。時後龜山帝之子小倉宮。後二條帝之胃木寺宮。龜山帝之裔常盤井宮在。上皇疑所立。僧宗純奏曰。皇嗣宜就伏見。乃上歌曰。斗岐波岐夜。古氏羅能古須慧。豆美須氏余。余於豆玖多計能。曾能波布志美瑠。上皇意決。告之義宣。秋七月十三日。義宣遣管領畠山滿家兵數百人。就伏見殿迎貞成親王子彦仁。入若王子。前參議經兼三位源重有等從焉。及在若王子。令赤松滿祐警衛。居數日。入上皇宮。僧宗純乃一休也。初其母入上皇宮有身。

既而獲罪出宮。生宗純于民家。自少為僧。心蹤不羈。飄有遺世之態。時時為詩歌落人間。人間多傳以為寶。或至購獲片言隻字。以翫于屋壁。然人無知其為皇子。而獨上皇知之。屢召入宮。進對又協旨。遂定皇嗣。宗純之力也。參據椿葉記。文正年代記。和長記。一休年譜。一休色紙。支注。一休有子曰紹偵。居攝之櫻塚。見和長記。二十日。帝崩。年二十八。法諱大寶壽。追稱稱光院。二十八月。上皇以彦仁為子。乃登祚于前右大臣藤原公光第。時年十歲。即日移三璽於所居。以關白持基攝政。二十九日。火葬泉涌寺。收骨燼。藏深草法華堂。參據椿葉記。皇

紀皇年。初源義滿使大内義弘主和事。蓋欺後龜山帝。以兩統互立。如乾元延慶之故事。而後龜山帝之入京師也。亦出于窘感不得已之計。以故小倉官常懷日。而知上皇意屬伏見殿。方帝疾劇。叛意益急。俾人偽稱鎌倉使者。往伊勢。欺國司源滿雅曰。持氏有命。宜取小倉官起兵。滿雅諾。使者又曰。我當徑往取之。來。滿雅曰。可矣。使者乃還嵯峨。與小倉官俱至伊勢。既而使者恐其發覺。逃亡。滿雅初知其被欺。而事不可止。遂舉兵據袖岡山。義宣下令土岐氏擊之。冬十二月。土岐族世保

五郎與滿雅戰。斬之。送首京師。梟之四塚。小倉官來降。赦居嵯峨。以子某為僧。勸修寺僧正教。尊是也。參據椿葉記。薩戒記。舟木系。是歲飢。道殣相枕。諸國窮民蜂起。守令不能制。私行德政。令人不償負債。參據畧年代記。鶴岡記。

倭史後編卷之二

日本書紀

古事類聚

十一

